



Komisija za sigurnost

Broj: 01-04-98-7/24

Sarajevo, 27.03.2024. godine

SKUPŠTINA KANTONA SARAJEVO

Kolegij

PREDMET: Informacija Komisije za sigurnost Skupštine Kantona Sarajevo

U skladu sa Zaključkom Kolegija Skupštine Kantona Sarajevo broj: 01-04-244/24 od 19.03.2024.g., kojim se zadužuje Komisija za sigurnost kao stalno radno tijelo Skupštine Kantona Sarajevo da dostavi Skupštini Kantona Sarajevo informaciju iz svoje nadležnosti za potrebe održavanja Druge hitne sjednice Skupštine Kantona Sarajevo o sigurnosnoj situaciji u Kantonu Sarajevo.

INFORMACIJA KOMISIJE ZA SIGURNOST SKUPŠTINE KANTONA SARAJEVO

Komisija za sigurnost kao stalno radno tijelo Skupštine Kantona Sarajevo, između ostalog nadležna je da razmatra pitanja sistema i politiku u oblasti sigurnosti u okviru nadležnosti Skupštine Kantona Sarajevo i s tim u vezi daje prijedloge i mišljenja Skupštini, razmatra provođenje zakona u oblasti kriminaliteta, očuvanje javnog reda i mira i sigurnosti saobraćaja, razmatra pitanja nabavljanja i nošenja oružja, te razmatra nacрте i prijedloge zakona i drugih općih akata, kojima se reguliše oblast sigurnosti u Kantonu Sarajevo. Komisija za sigurnost od 2016. godine pokrenula je niz aktivnosti u pravcu reformskih iskoraka i unaprjeđenja sigurnosnog sistema u Kantonu Sarajevo. Između ostalog, Komisija za sigurnost 2019. godine inicirala je izmjene i dopune Zakona o unutrašnjim poslovima KS i Zakona o policijskim službenicima KS koje je Skupština Kantona Sarajevo usvojila. U navedenim izmjenama i dopunama ova dva zakona prvi put se jasno propisuje struka u Upravi policije, jačanje nadzora i kontrole, veći stepen transparentnosti te povećanje vladavine prava i zaštita prava policijskih službenika, čime se stiču preduslovi za funkcionalno unaprijeđenje sigurnosnog Sistema u Kantonu Sarajevo.



Komisija za sigurnost je kontinuirano i planski pristupala preduzimanju aktivnosti iz svoje nadležnosti vršeći nadzor nad zakonitošću rada Ministarstva i Uprave policije Kantona Sarajevo, te je od 06.01.2023. godine do danas zakazano ukupno 17 sjednica Komisije za sigurnost, od kojih je održano 14 redovnih sjednica, a tri nisu održane zbog nedostatka kvoruma. Na sjednicama se raspravljalo o važnim sigurnosnim problemima te na osnovu relevantnih informacija i izvještaja donosili su se zaključci i pokretale određene inicijative prvenstveno prema MUP i UP KS, kao i drugim institucijama koje svojim aktivnostima direktno učestvuju u kreiranju sigurnosne situacije u Kantonu Sarajevo.

U skladu sa članom 120. stav 3. Poslovnika Skupštine Kantona Sarajevo („Službene novine Kantona Sarajevo“ Drugi novi prečišćeni tekst, broj: 41/12,15/13, 47/13, 47/15, 48/16, 9/20, 14/20, 16/22 i 17/22- Ispravka) Komisija za sigurnost donijela je sljedeće ZAKLJUČKE:

1. Na Prvoj sjednici, održanoj 06.01.2023.godine:

- Komisija za sigurnost Skupštine Kantona Sarajevo traži od policijskog komesara Uprave policije Ministarstva Unutrašnjih poslova Kantona Sarajevo da u što kraćem roku dostavi sigurnosnu procjenu vezano za stanje sigurnosti na području Kantona Sarajevo uključujući separate sigurnosnih procjena nadležnih agencija na nivou Federacije BiH i države Bosne i Hercegovine, a imajući u vidu veliku uznemirenost građana povodom najavljenog obilježavanja neustavnog 09. januara - Dana RS-a.

2. Na Trećoj sjednici, održanoj 01.02.2023. godine

- Komisija za sigurnost Skupštine Kantona Sarajevo traži od Uprave policije Ministarstva unutrašnjih poslova Kantona Sarajevo da joj dostavi informaciju koliko je finansijskih sredstava utrošeno za angažovanje podrške policijskim službenicima Uprave policije Kantona Sarajevo u protekloj godini, kao i informaciju iz kojih kantona su angažovani policijski službenici.

3. Na četvrtoj sjednici, održanoj 20.03.2023. godine

Komisija za sigurnost Skupštine Kantona Sarajevo traži od v.d. policijskog komesara Uprave policije MUP-a Kantona Sarajevo da u što kraćem roku dostavi potpunu informaciju o:

- trenutnoj brojčanoj popuni u Upravi policije shodno važećem Pravilniku o unutrašnjoj organizaciji sa pokazateljima koji se odnose na propisanu struku i trenutno stanje i upražnjena mjesta;
- brojčanim pokazateljima o rasporedu ovlaštenih službenika Uprave policije na administrativne poslove sa obrazloženjem razloga za takvu praksu;
- pokazateljima koji se odnose na četverogodišnju dinamiku redovnog penzionisanja službenika Uprave policije;
- dinamici završavanja kadrova / prijema putem konkursa novih službenika;
- dinamiku postupaka svih činovanja shodno zakonskim obavezama i pozicijama;

- pregledu neophodnih materijalno-tehničkih sredstava i dinamiku njihove nabavke i završavanja kako bi Uprava policije mogla adekvatno odgovoriti sigurnosnim izazovima i rizicima koji se mogu naći ispred policije u redovnim i vanrednim okolnostima;
- pregledu nabavke i završavanja uniforme i dijelova uniforme u slučaju da bude usvojena jedinstvena Uredba / Pravilnik o uniformi, kao i za slučaj da ponovo izostane donošenje spomenute Uredbe / Pravilnika.

4. Na Sedmoj sjednici, održanoj 07.06.2023. godine

- Komisija za sigurnost Skupštine Kantona Sarajevo izražava podršku radu Ministarstva unutrašnjih poslova i Uprave policije Kantona Sarajevo na preduzimanju preventivnih mjera i provođenju zakonskih propisa u cilju unapređenja opće sigurnosti građana i potpunom funkcionisanju propisa.
- Komisija za sigurnost nakon sagledavanja svih uočenih problema daje inicijativu da se hitno pristupi izmjenama i dopunama sljedećih zakonskih propisa: Zakona o osnovama sigurnosti saobraćaja na putevima u Bosni i Hercegovini, Zakona o prekršajima Federacije BiH, Krivičnog zakona Federacije BiH i poreznih propisa koji će omogućiti primjenu instituta prinudne naplate neplaćenih novčanih kazni.

5. Na 14. sjednici održanoj 01.02.2024. godine

- Komisija za sigurnost Skupštine Kantona Sarajevo, kao stalno radno tijelo Skupštine Kantona Sarajevo, polazeći od zakonom utvrđenih nadležnosti, a nakon analitičkog sagledavanja sigurnosne situacije i sagledavanja preduzetih sigurnosnih mjera i aktivnosti iz nadležnosti Uprave policije Ministarstva unutrašnjih poslova Kantona Sarajevo na rasvjetljavanju ubistva koje se dogodilo u nedjelju, 28. januara 2024. godine, oko 23:35 sati, na području PU Novi Grad, odnosno na raskrsnici ulica VII transverzala i Bulevar Meše Selimovića kada je došlo do upotrebe vatrenog oružja od strane A.Š. i ubistva F.P., na osnovu usmenih informacija došla do saznanja da je Uprava policije nakon saznanja za naprijed navedeni događaj preduzela potrebne mjere i aktivnosti u cilju pravovremenog osiguranja lica mjesta, obavještavanja nadležnog tužioca, identifikaciji i provođenju počinioca i pomagača.

Obzirom da niko od prisutnih članova komisije nije uočio niti akcentirao bilo koji konkretan propust policije u radu na rasvjetljavanju ovog slučaja, Komisija za sigurnost je izrazila neupitnu i punu podršku rukovodstvu MUP-a i Uprave policije, te da je s obzirom na složenost sigurnosne problematike procijenila da je i dalje neophodno, a u skladu sa jednim dijelom I Zaključcima Skupštine KS iz juna 2023. godine:

- a) nastaviti multisektorske aktivnosti na borbi protiv maloljetničke delinkvencije i aktivnosti utvrđene Strategijom i akcionim planom za sprječavanje i suzbijanje zloupotrebe opojnih droga u Kantonu Sarajevo (KS);
- b) provoditi aktivnosti na borbi protiv saobraćajne delinkvencije kroz primjenu mjera i aktivnosti utvrđenih u Smjernicama za poboljšanje sigurnosti saobraćaja u KS;
- c) provoditi se Plan pojačanih aktivnosti policijskih službenika Sektora za policijsku podršku s



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-055, Fax:+ 387 (0) 33 562-210
 Web: <http://skupstina.ks.gov.ba>, E-mail: skupstina@skupstina.ks.gov.ba

3/9

ciljem smanjenja kriminaliteta i pronalaska predmeta koji potiču iz krivičnih djela (02/4-0-4-3-09/24 od 30.01.2024. godine), a koji se odnosi na pojačano prisustvo timova policijskih službenika, u večernjim i noćnim satima, na ulicama i drugim javnim prostorima u Kantonu Sarajevo;

d) provoditi Plan postupanja policijskih službenika „Ulični trkač“(02/2-6-03-3-683/23) koji se odnosi na smanjenje pojavnih oblika ugrožavanja javnog saobraćaja od tzv. „uličnih trkača“;

e) provoditi Plan postupanja policijskih službenika „Brzina“(02/2-6-03-3-1747/23) koji se odnosi na prekoračenje dozvoljene brzine kretanja motornih vozila;

f) intenzivirati i po potrebi ažurirati postojeće planske aktivnosti koje se odnose na preveniranje i suzbijanje krivičnih djela i prekršaja s elementima nasilja;

g) intenzivirati postojeće aktivnosti koje se odnose na planiranje i realizaciju operativno-taktičkih akcija koje se odnose na krivična djela neovlaštenog prometa opojnim drogama, nedozvoljenog držanja oružja ili eksplozivnih materija i razbojništva;

h) intenzivirati procese nabavke neophodnih materijalno-tehničkih sredstava za efikasniji rad policijskih službenika.

- Zadužuje se Ministarstvo unutrašnjih poslova i Uprava policije da Komisiji za sigurnost Skupštine kantona Sarajevo dostavi potpunu informaciju o preduzetim i provedenim aktivnostima na rasvjetljavanju navedenog slučaja kako bi se mogli sagledati eventualni propusti i predložiti dalje postupanje u cilju povećanja sigurnosti građana.

- Shodno stanju popune sastava policije, policijske sastave maksimalno angažovati u provođenju proaktivne preventivne djelatnosti kroz razgovore sa lokalnim stanovništvom i pojačanim prisustvom na kritičnim mjestima. Također, zadužuje se MUP Kantona Sarajevo da odmah prema Vladi Kantona Sarajevo uputi inicijativu za prijem novih, a prema pravilniku o sistematizaciji nedostajućih policajaca.

- Potrebno je prema Vladi Federacije BiH i Federalnom ministarstvu unutrašnjih poslova uputiti inicijativu za povećanje smještajnih kapaciteta u Policijskoj akademiji kako se ne bi dugo čekalo na pohađanje potrebnih kurseva i obuka, a što je uslov za prijem novih policajaca.

- Razmatrani pokazatelji ukazuju da je policija po saznanju za ovaj slučaj promptno djelovala i u skladu sa svojim nadležnostima i ovlaštenjima, a u saradnji sa nadležnim tužiocem preduzela zakonom propisane potrebne radnje na osiguranju lica mjesta, zatim je preduzela uviđajne i istražne radnje, a po prikupljanju i provjeravanju početnih saznanja u vrlo kratkom vremenu slobode lišila osumnjičenog izvršioca krivičnog djela kao i njegove saučesnike. S tim u vezi, potrebno je izvršiti sveobuhvatnu i potpunu analizu počinjenih krivičnih djela iz nadležnosti Uprave policije za koje je nadležnim tužilaštvima podnesen izvještaj. Također u okviru te analize potrebno je sagledati visinu izrečene sankcije u odnosu na visinu zakonom zapriječene kazne, kao i prisutnost povratnika u činjenu ovih djela. S tim u vezi, obzirom da je u aktuelnim uslovima života sve više neizvjesnosti i nepredvidljivosti koji utječu na efikasnost u području sigurnosnog upravljanja, neophodno je u saradnji sa nadležnim institucijama ponovo aktuelizirati potrebu za promjenom kaznene politike u zakonodavstvu koje se tiče djela koja najviše utiču na usložnjavanje sigurnosti i nameću osjećaj i stanje njene odsutnosti. Umjesto da kaznena politika bude politika odvracanja, ona je u ovim slučajevima politika podsticanja na nova krivična djela, jer smatramo da je ova manjkavost jedna od ključnih za uzroke činjena navedenih krivičnih djela i stanja u koja upadamo i što je pogubno za ukupnu sigurnost.

- Kako svjetsko, a tako i domaće sigurnosno okruženje je kompleksno, dinamično, nepredvidivo i

opasno. U cilju preveniranja i eliminisanja uzroka i posljedica koje su vezane za najsvirepija krivična djela na području Kantona Sarajevo, iz dostupnih izvještaja i pokazatelja izrečenih sankcija sa aspekta provjeravanja aktuelne kaznene politike, te u skladu sa činjeničnim stanjem, Komisija za sigurnost od nadležnih institucija traži izricanje adekvatnih sankcija shodno težini počinjenih krivičnih djela. Komisija za sigurnost ponovo poziva pravosudne organe da sagledaju provođenje kaznene politike i da pooštre kazne s ciljem kako se ovakva ili slična djela ne bi ponavljala.

- Komisija izražava žaljenje što se u medijskom prostoru stvara kriva i neobjektivna slika stvarnog stanja, ne sagledavaju se uzroci izraženih sigurnosnih problema nego se pokušava donijeti medijska presuda u cilju preuzimanja kadrovske politike nad sigurnosnim sektorom. Navedeni događaj nastoji se iskoristiti i zloupotrijebiti u političke svrhe. Analizirajući medijske priloge koji se odnose na spomenuta dijela uočava se mnoštvo poluinformacija bez argumenata koje su smišljeno puštene u javnost i u funkciji su dezinformisanja javnosti prilikom čega autor(i) suptilno vrše prikrivanje objektivnih činjenica sa namjerom da na odgovornost pozovu i sve one koji su maksimalno korektno i profesionalno, u skladu sa nadležnošću organa, odradili svoj dio posla. Odbacujemo svaku insinuuaciju da je od strane policije u aktuelnom trenutku bilo ko pošteđen zakonom propisanih mjera, a pogotovo osumnjičeni za najteža dijela. Ako ih ima, onaj ko ih zna neka izađe u javnost ili neka obavijesti nadležnog tužioca.
- Obzirom da se ovakvi tekstovi pojave u javnosti – neposredno nakon izvršenja krivičnog djela, a dok policija obzirom na istražne radnje ne može izlaziti u javnost, vjerovatno jedan od ciljeva autora jeste da se izazove uznemirenost javnosti i ista pridobije u omalovažavanju i usporavanju reformskih procesa koji su preduzeti u Ministarstvu. Ovim činom se nastoji uticati na kadrovsku politiku i zadržati, odnosno povratiti status privilegovane skupine koja je nezakonito dolazila u posjed operativne građe koja je predmetom istrage.
- Komisija za sigurnost je razmatrala opravdanost i svrsishodnost da se pokrene aktivnost prema Regulatornoj agenciji Bosne i Hercegovine u cilju ograničavanja određenih problematičnih sadržaja na društvenim mrežama, a koji negativno djeluju na stanovništvo – naročito na mlade kategorije.

Komisija za sigurnost, shodno zakonskim propisima vršila je kontinuirano nadzor u oblasti sigurnosti u Kantonu Sarajevo razmatranjem izvještaja i informacija nadležnih organa i institucija, kao i obavljanjem stalnih razgovora sa ministrom, policijskim komesarom i praćenjem medijskih istupa iz oblasti sigurnosti.

Također u skladu sa Poslovníkom Skupštine Kantona Sarajevo Komisija za sigurnost razmatrala je pitanja sistema i politiku u oblasti sigurnosti u okviru nadležnosti Skupštine Kantona Sarajevo i s tim u vezi davala prijedloge i mišljenja.

Pored navedenog, kontinuirano je razmatrala provođenje zakona u oblasti kriminaliteta, očuvanje javnog reda i mira i sigurnosti saobraćaja, kao i pitanja nabavljanja i nošenja oružja – te je pokrenuta inicijativa za donošenje novog zakona o posjedovanju, držanju i nošenju oružja.

Komisija za sigurnost kao stalno radno tijelo Skupštine Kantona Sarajevo zaduženo za praćenje stanja sigurnosti u Kantonu Sarajevo je u skladu sa svojim nadležnostima kontinuirano poduzimala potrebne aktivnosti u cilju preveniranja sigurnosnih prilika i obaveznog zakonskog postupanja iz



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

nadležnosti Uprave policije. U skladu s tim u mjesecu januaru 2023. godine Komisija je izašla sa javnim upozorenjem tadašnjeg policijskog komesara Uprave policije, nakon što se oglasio na više dopisa Komisije za sigurnost da zbog neprovođenja zakona i podzakonskih akata Uprave policije KS, dovodi u pitanje funkcionisanje sigurnosnog sistema u Kantonu Sarajevo.

Međutim, komesar nije našao za shodno da poduzme bilo šta po pitanju sigurnosti, a prvenstveno onih elemenata na koje mu je skrenuta pažnja i date jasne primjedbe, već je podnio ostavku i ostavio Upravu policije Kantona Sarajevo nefunkcionalnom čije su neke posljedice i danas prisutne i odražavaju se na stanje sigurnosti u Kantonu Sarajevo. Komesar koji je u svom mandatu bio tri put uzastopno neocjenjen, a četvrti put negativno ocijenjen nije bio predmet interesovanja javnosti i opzicije za sazivanje hitnih sjednica.

Komisija je reagirala na činjenicu da već nekoliko godina nedostaje veliki broj policijskih službenika u Upravi policije Kantona Sarajevo, što je izazvalo potrebu za enormno velikim brojem prekovremenih sati policijskih službenika koji nepravedno godinama dodatno rade kao zamjena za nedostajuće ljudske resurse u Upravi policije.

U periodu od 2020. – do marta 2023. godine Uprava policije koju je predvodio tadašnji policijski komesar nije odgovorila na ključne potrebe sigurnosnog sistema iz nadležnosti Uprave policije kao što su kapacitiranje ljudskim resursima i opremanjem Uprave policije neophodnim materijalno-tehničkim sredstvima.

Uprava policije koja ima zakonom propisanu finansijsku samostalnost, u tom periodu imala je jako nisko izvršenje budžeta i pored kontinuirane podrške Vlade Kantona Sarajevo koja je na zahtjev ministra unutrašnjih poslova KS izdvajala višemilionska sredstva za nabavku neophodne opreme i materijalno-tehničkih sredstva za kvalitetan i efikasan rad policijskih službenika na terenu.

Redovno unapređenje policijskih službenika i jačanje sigurnosnog sistema u Kantonu Sarajevo bilo je zaustavljeno od prethodnog komesara na period od gotovo četiri godine i ne znamo zbog čega, neznanja ili svjesnog provođenja nečije agende o slabljenju sigurnosnog Sistema u Kantonu Sarajevo. Zbog neprovođenja zakona i pravovremenih unapređenja policijskih službenika, između ostalog i unapređenja u čin glavnog inspektora od juna 2022. do marta 2023. godine, tadašnjeg policijskog komesara Uprave policije Kantona Sarajevo nije imao ko zamijeniti u slučaju bilo kakvog njegovog odsustva koje bi ga spriječilo da može raditi svoj posao, što je za posledicu imalo ogromne praznine i kratere u sigurnosnom sistemu zbog prirodnog odliva visokopozicioniranih policijskih službenika načelnika uprava, sektora, odjeljenja.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

Pokrenute aktivnosti od Prve hitne sjednice Skupštine Kantona Sarajevo održane 09.06.2023. godine od strane subjekata sigurnosti Kantona Sarajevo

- a) Uprava policije je preduzela aktivnosti u skladu sa Zaključcima Skupštine Kantona Sarajevo broj 01-04-27085/23 od 09.06.2023. godine (akt Uprave policije broj 02/2 -6-03-3-248/24 od 21.02.2024. godine;
- b) Na jednoj od sjednica Komisije za sigurnost vođena je i rasprava s ciljem smanjenja pojave recidivizma u našem društvu, odnosno kriminalnog povrata koji predstavlja društveno opasnu pojavu koja se ogleda u ponovnom činjenju krivičnih djela, te je shodno procjenjenom pokrenuta Inicijativa za donošenje Zakona o probacijskoj službi FBiH i odgovarajućih provedbenih propisa koji ga prate. Inicijativa o donošenju Zakona o probacijskoj službi FBiH potekla je od neospornih pokazatelja sve učestalijih oblika recidivizma u činjenju krivičnih djela, ali i ponukana pozitivnim primjerima iz prakse zemalja iz regiona;
- c) Predstavnički dom Parlamenta FBiH donio je na sjednici 21.12.2023. g. Zaključak na Inicijativu Skupštine Kantona Sarajevo da u roku od 60 dana pripremi materijale za održavanje tematske sjednice Zastupničkog doma Parlamenta FBiH o temi „Sigurnost u saobraćaju u FBiH:
- d) Vlada Kantona Sarajevo je na 14. Sjednici održanoj 29.02.2024. godine donijela Zaključak kojim se prihvataju Informacije Ministarstva saobraćaja KS broj 04-04-244-1/24 od 22.02.2024. godine, Informacija Ministarstva unutrašnjih poslova KS broj 02/2-03-3-3695 od 20.02.2024. godine i informacija Ministarstva za odgoj i obrazovanje KS broj 11-04-39923-3/23 od 12.02.2024. godine o preduzetim aktivnostima po Zaključku Skupštine KS broj 01-04-244/24 od 09.02.2024. godine
- e) Također, prema Zaključku Skupštine KS broj 01-04-244/24 od 09.02.2024. godine pokrenuta je Inicijativa za izmjenama i dopunama Zakona o osnovama sigurnosti saobraćaja na putevima BiH, te smo aktom Doma naroda Parlamentarne Skupštine BiH broj 01.02-50-18-1334-1/23 i 02/a-50-18-72-6/24 od 22-02.2024. godine, pozvani da u što kraćem roku dostavi prijedlog izmjena i dopuna navedenog zakona Vijeću ministara BiH, tj. Ministarstvu komunikacija i prometa u BiH.



Komisija za sigurnost je na sjednici održanoj 27.03.2024. godine jednoglasno je usvojila sljedeće zaključke, te predlaže Skupštini Kantona Sarajevo da iste usvoji.

ZAKLJUČCI

1. Zadužuje se Ministarstvo unutrašnjih poslova Kantona Sarajevo i Uprava policije Ministarstva unutrašnjih poslova KS za vršenje pojačanih preventivnih i represivnih mjera koje se ogledaju u sljedećem:

- povećan broj policijskih službenika na terenu kroz angažman patrolnih službi i saradnje sa lokalnom zajednicom;
- povećan broj mobilnih radara;
- pojačan rad jedinice interventne policije i jedinice za bezbjednost saobraćaja na terenu,
- pojačan rad vozilima "presretačima";
- povećan broj patrola u periodu od 19 sati do 7 sati na najfrekventnijim raskrscima u gradu;
- nastavak primjene smjernica o poboljšanju sigurnosti u saobraćaju u Kantonu Sarajevo i implementaciji Akcionog plana za prevenciju krađe putničkih motornih vozila koji podrazumijeva i postavljanje video nadzora, te prevencija povreda u saobraćaju.

2. Komisija je izrazila neupitnu i punu podršku Ministarstvu unutrašnjih poslova i Upravi policije, s obzirom na složenost sigurnosne problematike cijeni da je i dalje neophodno, u skladu sa Zaključcima Skupštine KS iz juna 2023. godine:

- a) nastaviti multisektorske aktivnosti na borbi protiv maloljetničke delinkvencije i aktivnosti utvrđene Strategijom i akcionim planom za sprječavanje i suzbijanje zloupotrebe opojnih droga u Kantonu Sarajevo (KS);
- b) provoditi aktivnosti na borbi protiv saobraćajne delinkvencije kroz primjenu mjera i aktivnosti utvrđenih u Smjernicama za poboljšanje sigurnosti saobraćaja u KS;
- c) provoditi se Plan pojačanih aktivnosti policijskih službenika Sektora za policijsku podršku s ciljem smanjenja kriminaliteta i pronalaska predmeta koji potiču iz krivičnih djela (02/4-0-4-3-09/24 od 30.01.2024. godine), a koji se odnosi na pojačano prisustvo timova policijskih službenika, u večernjim i noćnim satima, na ulicama i drugim javnim prostorima u Kantonu Sarajevo;
- d) provoditi Plan postupanja policijskih službenika „Ulični trkač“ (02/2-6-03-3-683/23) koji se odnosi na smanjenje pojavni oblika ugrožavanja javnog saobraćaja od tzv. „uličnih trkača“;
- e) provoditi Plan postupanja policijskih službenika „Brzina“ (02/2-6-03-3-1747/23) koji se odnosi na prekoračenje dozvoljene brzine kretanja motornih vozila;
- f) intenzivirati i po potrebi ažurirati postojeće planske aktivnosti koje se odnose na preveniranje i suzbijanje krivičnih djela i prekršaja s elementima nasilja;
- g) Nastaviti postojeće aktivnosti koje se odnose na planiranje i realizaciju operativno-taktičkih akcija koje se odnose na krivična djela neovlaštenog prometa opojnim drogama, nedozvoljenog držanja oružja ili eksplozivnih materija i razbojništva;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

8/9

h) Nastaviti procese nabavke neophodnih materijalno-tehničkih sredstava za efikasniji rad policijskih službenika.

3. Shodno stanju popune sastava policije, policijske sastave maksimalno angažovati u provođenju proaktivne preventivne djelatnosti kroz razgovore sa lokalnim stanovništvom i pojačanim prisustvom na kritičnim mjestima. Također, zadužuje se MUP Kantona Sarajevo da odmah prema Vladi Kantona Sarajevo uputi inicijativu za prijem novih, a prema pravilniku o sistematizaciji nedostajućih policajaca.

4. Potrebno je prema Vladi Federacije BiH i Federalnom ministarstvu unutrašnjih poslova uputiti inicijativu za povećanje smještajnih kapaciteta u Policijskoj akademiji kako se ne bi dugo čekalo na pohađanje potrebnih kurseva i obuka, a što je uslov za prijem novih policajaca.

5. Obavezuje se Uprava policije MUP-a KS da pokrene aktivnosti s ciljem uvođenja videonadzora javnih prostora na području Kantona Sarajevo, shodno sigurnosnim procjenama kojima raspolažu, kako bi se stepen sigurnosti građana podigao na viši nivo.

6. Obavezuje se Uprava policije MUP-a KS da blagovremeno informiše javnost o svim sigurnosnim događajima, ne ugrožavajući operativni interes i elemente koji mogu kompromitovati dalje istražne aktivnosti, kako bi građani imali informaciju iz pravog izvora, a neodgovorni pojedinci ne bi imali mogućnost da poluinformacijama dezinformišu građane.

7. Obavezuje se Uprava policije MUPa KS da aktivno prati i preduzima potrebne aktivnosti, a koje se odnose na praćenje migrantske situacije na području Kantona Sarajevo iz svih sigurnosnih aspekata.

